

23 NOIEMBRIE
RUGACIUNEA 2
SF. IERARH
MITROFAN AL VORONEJULUI

Моли́тва

О святи́телю о́тче Митрофа́не, се мы грѣшнии, нетле́нием честныхъ мо́щей твоихъ и мно́гими благодея́ньми, чуде́сно соде́янными и соде́ваемыми тобо́ю, уве́рившеся, испове́дуем, я́ко имаши ве́лию благода́ть у Го́спода Бо́га на́шего, и всесмире́нно ко твоему́ благосе́рдию припа́дающе, тебѣ мо́лимся си́це: моли́ о нас Христа́ Бо́га на́шего, да низпо́слет всемъ чту́щим святу́ю па́мять твою́ и усер́дно к тебѣ прибега́ющимъ богаты́я ми́лости Своя; да утверди́т во святе́й Свое́й Правосла́вной Це́ркви живы́й дух пра́выя ве́ры и благоче́стия, дух ве́дения и любве́, дух ми́ра и ра́дости о Ду́се Святе, да вся ча́да ея́, чи́ста су́ща от мирскихъ искуше́ний и плотскихъ по́хотей и зла́го де́йствия злыхъ духо́в, ду́хом и и́стиною покланя́ются Ему́, и усер́дно о соблюде́нии за́поведей Его́ ко спасе́нию душъ своихъ да потща́тся. Па́стыремъ ея́ да дастъ Госпо́дь святу́ю ре́вность попече́ния о спасе́нии люде́й, во е́же неверу́ющия про-

свѣтѣти, невѣдущія наставляти, сомнящіяся
вразумити, отпадшия от Православныя Цѣркве
къ ней возвратити, вѣрующія в вѣре соблюсти,
грѣшныя на покаяніе подвигнути, кающіяся
утѣшити и во исправленіи жизни утвердити, и
такъ вся люди ко уготованному вѣчному Царству
святыхъ Его привести. Умоли Господа, угодниче
Христовъ: вѣрныхъ рабовъ Его, в скорби и печали
день и ночь вопиющихъ къ Немѹ, многоболѣзненный
воплъ да услышитъ и да изведетъ от погѣбели жи-
вотъ нашъ. Всемъ же в державѣ людемъ да даруетъ
благій Богъ нашъ миръ, тишину, безмятежіе и изобиліе
плодовъ земныхъ, паче же ко исполненію
заповѣдей Его тщаніе неленостное; и да избавитъ
царствующія грады, град сей и вся иныя грады
и веси, от глада, труса, потопа, огня, меча, на-
шествія иноплемѣнныхъ, междоусобныя брани,
смертоносныя язвы и от всякаго зла. Ей, святителю
Божій, да устроиши молитвами твоими
вся благая душамъ и телесемъ нашимъ; да и мы
прославимъ в душахъ и телесехъ нашихъ Господа и
Бога нашего, Иисуса Христа, Ему же со Отцемъ и
Святымъ Духомъ слава и держава во веки вековъ.
Аминь.